



Газет 2001-йисан  
ноябрдилай акытзава

# Эрэнлардин сес

*РД-дин Докъузпара райондин общественно-политический газет.  
Общественно-политическая газета Докузпаринского района РД.*

**№48 (977) 25-ноябрь, арбе, 2020-йис. Газетдин са экз. къимет киоскрай - 13 манат**

## Дидедин йикъан сувариз талукъ Тебрик

Гүйрметту чи райондин дишегълияр! РФ-дин цийи тарихда малум тирвал, газф жегъиль суварар гъатнава. Ахътинбурукой садни чи улкведа 19-98-йисалай къейдздавай дидейрин Югъя. Ам къаршиламишун паталди РФ-дин виликан Президент Б. Н. Ельцина маҳсус фармандал къул чутуна, гыкъл хъи, ам кыле тухунин рекъяй еке метлеб авайди къейдна.

Обществода дидейрин зегъметдилай, абурун руыгъдин ва алахъунрин жафадилай хийирлу лам мад авачирди лагъана. Чна четин гъалда, уъмуърдин зарул шарттара яшамиш жезвай аялрин патахъай датлана къайгъударвал ийизва, абуруз чарасуз къумекар гузва. Чи районда отдел опеки и попечительства кардик кваз газф йисар я. И тепкиллатди чепингъалда яшамиш жезвай аялларал датлана гульчывалзава.

Азиз дишегълияр - дидеяр! За



Кvez чи улкведа 30-ноябрдиз кыле физвай Дидейрин йикъан сувар рикълин сидкыидай мубаракзава. Къуй Күй чанар сагълам хурай, балайрикай Кvez эквер акурай!

**Агъмед АГЬМЕДОВ, "Докъузпара район" МР-дин Кыилин везифаяр  
вахтуналди тамамарзавайди**

**ЧЕХИ ГЪАЛИБИЛИН - 75 ЙИС**

## Ватандин ири полководец

(Советрин Союздин маршал Василий Иванович Чуйков дидедиз хъайдалай инихъ 120 йис тамам жезвай юбилейдиз талукъ яз)

Тарихдиз хъфизвай юис неинки Чехи Гъалибилин 75 йистамамхайиди, гъакъни Ватандин Чехи дяведа лайихлувиелди иштирак авур, гъалибвал къачунин кардик къетлен пай кутур военоначальникрин юбилей-

рални ацалтна. И къве рекъем саналди къаршиламиш хъайбурун жергедик Советрин Союздин маршал, къве сеферда Советрин Союздин игит Василий Иванович Чуйковни акатзава. Чуйков Василий Иванович 1900-

йисуз Туладин губернидин Веневский уезддин Серебрянные Пруды твар алай хуъре дидедиз хъана. Ада сифтегъян савадлувилер, чирвилер 1918-йисуз дядедин инструкторвиилин курсара ва 1927-йисуз М. →

Фрунзедин тұварунихъ галай военный Академидин Шарқы патан факультетда къачуна. Василий Ивановича РККА-дин Военный Академидин механизацидін моторизацидін курсарани көлнә.

1917-йисалай красногвардец Кронштадтда минар худай учебный отряда авай. 1919-йисан апредилай Василий Яру Армидин жергейриз гъахына.

Ада Москвада кыле фейи эсерин гүулгъула кланик кутуна. 1918-йисалай В. И. Чуйкова Кыбледин ва Рагъакыйдай патан фронтта ротайрин командиррин құымекчивиле, полкунин командир яз қыллугттар кыле тухвана.

1919-йисуз РКП(б)-дин жергейриз гъахына. 1927-йисуз ам Китайда военный советник хъана. 1929-1932-йисара В. И. Чуйков Яру пайдах авай Дальневосточный армидин отделдин начальник тир. Рагъэкъечдай патан Белоруссия немсерин-фашисттин пацук акатайла, Василий Ивановича 4-армидиз регъбервал гузтай.

Советринни финрин дәве башпамыштайла, В. И. Чуйков 9-армидин кылые авай. 1940-1942-йисара, вичикай раҳун кылые физвай къагъриман Китайдин армидин дәведин месәлайрин меслятчи (советник) хъана.

1942-йисан майдин вагралай В. И.

(Эвел алатай нұмрайра)



Чуйков сад лагъай резервдин, ахпа 64 лагъай армийрин кылые хъана. 62-армидин къуват галаз В. Чуйкова Сталинград хуъдайла, ягъунра еке викъегъвилер къалтурна. Гыа вахтунда адан тъвар чи вири уълкведа машгъур хъана.

1943-йисан апредилай 8-гвардейский армидин командующий яз Чуйкова Украина ва Белоруссия душмандикай азад хъийизвай Висло-Одерский операцида иштиракна. Ам

Берлин къачудай ягъунрин иштиракчини тир.

1946-йисуз В. И. Чуйков СССР-дин Верховный Советдин депутатиле хъяна. Диявилай гүйгъүнин йисара Василий Иванович демократидин Германияда кардик кваз хъайи Советтин аскеррин дестедин (ГСВГ)-дин командауцийдин 1-заместителінде тайинарна.

1961-йисалай В. И. Чуйков КПСС-дин ЦК-дин Политбюроңин членни тир. 1964-йисуз Чуйков СССР-дин оборонадин министрдин заместитель, умъурдин эхиримжи йикъаралди ада СССР-дин гражданский оборонадин начальниковын везифаярни тамамарна.

Баркаллу полководец 1982-йисан 18-маргидиз рагъметдиз фена. Адан жасад Волгоград шегъердин Мамаеван Курганда гъуърметдин салотар галаз, чилип вугана. В. И. Чуйков мемуаррин къайдада къыенвай 8 ктабдин автор я. Абуру акъалтзавай несилидиз ватан-пересвилии руыъдалыз тербияламиш жедай, Ватан клан хъунин рехъ хжягъунин вири терефар ачуҳзава.

**Шагъбала ШАГЪБАЛАЕВ**

**А. ФИРДОУСИ**

## Рустам ва Зугъраб

(Давам хъун)

Гударзахъ яб акална шагъ Кавуса,  
Ам гъавурда гъатна-гафар турус я.

"Вун гъахыу я", - сес акъудна пачагъди, -  
Къадар авач зи гъайифрин, зи ағъдин.

Вун Рустаман патав, алад, исята  
Белки, адап рикелай гар алахъда,

Лагъ къучагъдиз: "Гъамиша хыз, пачагъди  
Икрамзава ви къудрагдин булахдиз!"

Гударза ва адахъ галай регъберри  
Гъална шивер Рустам фейи рекъериз.

Йикъян ишигъ хахъзавай арада  
Абурун вил пагъливанда акъада:

Ам текдаказ физвай яргъал сефердиз,  
Адахъ тадиз ахгакъарна сердерри.

Вирибуру къучагъдиз икъл минетна:  
"Ви руыгъ хзи, рикъл чехи я, гъелбетда.

Къуй вири чил тахт хурай ви, цавн - таж  
Са күнникайни тахъурай ваз ихътияж!

Малум я ваз, шагъдихъ амач фагъум гъич,

Ажугълу яз, пис тухузва ада вич.

Ахпа кисна дерин ағъар чұгвазва,  
Хиял квахъна, ада тұптар жакъвазва.

Шагъдиз къе вахъ, галаз түхкүз кланзава,  
Геж хыз, гъелбет, адап кыли ванзава.

Амма, Рустам, авач ина чи тахсир...  
Иран вуна гадарунин вуч я сир?"

Абуруз икъл жаваб гана Рустама:  
"Шагъ патал захъ женг чұгвадай къаст амач!

Пуар - зи тахт, къеркъ языза зи парталар  
Ракъун бапшах таж я къенин йикъалай.

Шагъ пуч жеда руквада, зун-гъавада.  
Гъикъл ада зак тежедай кичл кутада?

Ваъ! За адап кардилай гыл къачудач,  
Жуван къуват ахмакъ гарув вугудач.

Бес я адап за авур къван хъсанвал,  
А хъсанвал къе эхирдал атанва...

Зун шагъдивай къачуз тежер тепе я,  
Рустамаз са Язданахъай киче я.



Кисна Рустам. Мад Гударза камалту  
Риклө авай гаф лагъана тамарзу:

"Ви рабун гыкл чна ана хълагъда,  
Вуна Иран гадарзава гыи гагъда? -

Ам кlevева, гъар са касди шаклудай,  
Душмандихъай, кичле хъана, лутъуда.

Гуждагъама лагъайтла, чаз кхлизва:  
"Тураниди, чир хъухь, инсаф ийизвач!"

Женгиникай хкудайла вуна кыил,  
Чи Ирандин къисмет жеда лап тукъуyl.

Къалабулух акатнава улькведик,  
Зутърабакай рахазава халкъ жергедин.

Чи къушунрик ада къурху кутунва,  
Чун лагъайтла, ви гужунихъ акъунва.

Ша гумир на шагъдиз далу исятда -  
Шаксуз, адан кыил гъалатдай агъатда:

Душман магълуб авур члавуз пехъи тир,  
Шагъди, якъин, икрамда ваз чехи тир!"

Гъа икл къучагъ чалал гъана Гударза,  
Гаф хълагъна Рустама и арада:

"Гзаф къадар къекъвена зун чилерал,  
Вири дуънья акунва заз вилерал.

Нагагъ риклиз кичл ягъайтла женгина,  
Жуван беден кукварда за дингина,

Такабурлу Тахамтан мад элкъвена,  
Атай рехъди шагъдин патав хъфена.

Ам акурла, Кавус къвачел къарагъна,  
Адан вилер, чепмейр хъиз, авагъна.

Рахана шагъ: "Вучда зи тул чуру я,  
Хъел атайла, зун аял хъиз, хару я.

Амма къилел атай члавуз заланвал,  
Мад зи риклө хквезва ви инсанвал.

Рустам, вун чахъ авай тек са даях я,  
Къахчан я вун, чи Ирандин дамах я.

Гъар са юкъуз агалтдайла захъ ахвар  
Пияла хъваз, риклө гъизва за ви тъвар.

Амма закай хаз тахъурай ви кефи!  
Чун къвед санал Джамшидалай я чехи! -

И дуънъяда са вун я заз герекди,  
Зи күмекчи, пагъливан дуст, зирекди!

За гузыетнавай, вуна гежнай, азизди,  
Гъавилий зак хъел акатнай лап пис тир.

Багъышламиш ая на заз гъалатдай,  
Гъайиф чутваз зи рикл ава галатна!"

Жаваб гана Рустама: "Вун, иеси

Я дуънъядин, валай язва чун рази.

Вун пачагъ я, зун лукл я ви рехи тир,  
Яб гузва за гафуниз ви чехи тир.

Эмир це заз! Гъазур я зун женгиниз,  
Акъудда за гъар са душман сүргүндиц!"

Шагъди ада лагъана: "На теселли  
Гана риклиз, зи гъал пис туш гъелелиг.

Къе агукуна чна түүн-хъун къурмишда,  
Вахт атайла, душманарни къирмишда!"

Берекатлу суфра шагъди ачухна,  
На лутъуди, гатфарин югъ алукуна,

Эвер гана ада герек сердерриз,  
Раграп гузвой суфрадаллай "тевгъерри".

Вирибуру хъваз Рустаман сагълугъдай,  
Лутъузвой гаф-алхин ада талукъ яз.

Ингъе, члагай буй авайбур атана,  
Мирекатдик зуърне, чангъа рахана.

Йифен цава гъетерин экв куъкъвенвай,  
Шад вакъяна гурлувилихъ элкъвенвай...

Эхир цава гъатдайла гъульм къалин тир,  
Абур ксун патал хъфиз къвачин тир.

## Кавуса къушун къватлазава

Къазунайла нуаривди ракъини  
Йифен перде, ухшар авай къириниз.

Ахварикай кватна Кавус гъасятда,  
Ада эмир гана Тусаз нубатдин -

Гъазур авун патал филер дяведиз.  
Гъил ахъя яз, шагъди вичин улькведен

Къушунизни пайни авай девлет-мал,  
Гъазур хъана аскерар чил хүн патал.

Виш агъзур кас авай шагъдин къушунда -  
Виклер, зурба итимар гъар гъужумда.

Шумудни са десте адак ахкатна,  
Цаварал рут, булутар хъиз, акъалтна.

Клев хъанвай чуыл, квай хъиз вацран мичтерик,  
Чил регъвэзвай түйт балкланри кикерив.

Къуд патаз сес чикирзай далдамри,  
Михъиз юзун акатнавай майданрик.

Икл къушунди кам къачуна женгиниз,  
Рагъулна чин цава авай ракъинин.

Анжак гузвой царычар хци жидайри  
Гъиле авай пагъливанрин-рухвайрин,

Гъакл абурун къилел алай баплахри.  
Лепе гузвой гарал алай пайдахри.



Хыли-яру, ваңғ хыз, күшун аквазвай,  
Булутрикай хкатиз ам юазвай.

Икіл, къеледин патав күшун агақына,  
Регъятдәказ мензил аттыз алакына.

Алачухар яна чуылдиз аскерри,  
Цуд версинин мензил къуна жергейри.

Абур яргый къаравулдиз акуна:  
"Иран къвезва!" - хабарди ван авуна.

Зугъраб тадиз хажж хъана къеледал,  
Чашмиш хъаначам күсни и легъзда.

Ада хъуърез, Хуманаз икіл лагъана:  
Килиг, садра гъихътин булут атанва!

Шагъдихъ галаз экъечдә чун савапцдиз"  
Кичіл кваз риклик Хуман ада замашна.

Зугъраб мадни сес хкажна рахана:  
"На, дуст, риклиз тади гумир даттана! -

Шаклувал чун паталди я хаталу,  
Виклестьвал - чи дуст я дайм вафалу.

Гыч са касни авай туш я күшунда  
Залай зурба, чалахъ я зун - гъужумда! -

За ирандин пагъливанар гъелекда...  
Аллагъдини абууз гыч күмекдәч!

Сансуз күшун аватлани душмандихъ,  
Амма адахъ регъбер авач хъсан тир.

За, зунжур хыз, къатда жерге аскеррин,  
Абур, ваңғ хыз, чукурда за чульлериз"

Зугърабан руыг сугъул хъанач са күсни,  
Дегиши хъанач адан рангар я күздин.

Эвер гана, ада садаз лагъана:  
"Гъаш чехирар, ачух ая суфра, на,

Кье дем я чи, пака юғъ я дядедин,  
Кысмет чна гъалда санал улыкведин".

Апукына ам пагъливанрин юкъва вич,  
Галамачир суфрадихъ буш чка гыч.

### **Рустама къеледиз гъахъна Жандаразм рекъизва**

Алачухри къунвай гегъени чуыл михъиз -  
Хкажнавай Кей-Кавуса кыл виниз.

Аквазмачир вилиз дагъдин күкүшпар,  
Къвезд-къвезд миччи жезвай цавун бушлухар.

И вахтунда дереда рагъ аклизвай,  
Шаркъ патахъди элкъвена варз күкүльзвай.

Перленгдин хам къуынхъ галаз Тахамтан  
Алачухдиз гъахъна шагъдин, къаучуз кам:

"Ахтармишиз кланзыза заз клубандиз,

Терефда вуж аватла чи душмандин.

Ихтияр це, мукъуфдалди чирда за  
Вуж ятла а күшундин кыл - цир таза!

"Ая жуваз чидайвал на! Кей-Кавус  
Рази хъана, мукъаят хъухъ анжах, дуст!

Алад рекъиз! Къуй Аллагъ ваз күмек хъуй,  
Асландитай, лекърелай вун зирек хъуй!"

Икіл, алукнна партал ада туыркерин  
Рекъе гъатна ам, цав къунвай цифери.

Къаравулприн вилик Рустам хұлунач,  
Амма ада чинебан рехъ акуна -

Са легъзеда гъахъна къучагъ къеледиз,  
Къекъвена ам тавханайрин геле дүбз.

Эхир ада са хыткъердай акуна  
Апукынавай Зугъраб къакын тахтуна.

Адан чапла патахъ Жанда галазвай,  
Эрчіл патахъ - Хуман, акыл авазвай.

Барман-аслан, амайбурни элкъвена  
Апукынавай гзаф къадар түківена.

Килигайла Зугъраб, фил хыз, аквазвай  
Ада вири вичин гегъени таҳт къазвай:

Гыльдер ухшар тир ютуриз балқандин,  
Мұғъұбын тарцин буй авазвай жавандихъ.

Акүр касдин риклиз ам лап хүш жедай,  
Анжах гүткүүл пехилвиляй суст жедай.

Адахъ галаз апукынавай сердерар  
Тафаватлу хъайибур я женгерра.

Кылел-къвачел алай яхшур нұйкерди  
Дұышмишавай суфра къетлен тегъерда.

Мярекатдик квайбурунни даттана  
Хъвазвай ички Зугърабан тұвар лагъана.

И вахтунда чуынхъ хъанвай күлгедик  
Рустам - адан вил хқазвай сөгнедик:

Рахун, хъуъруын... шад мярекат авағъана,  
Суфрадихътай Жандаразм къарагъана.

Чизвай вири пагъливанар Турандин,  
Ада Рустам къатлана яз патанди.

"Вун вуж я? Ша, килигин, чун экуйник!" -  
Лутъуз ада Рустаман гыл къуна икіл.

Тахамтана яна гардан Жандадин,  
Ам залан тир, тілам хкатай чанта хъыз,

Амачиз гыч нефес чилел ярх хъана,  
Икіл Жандадин уымуърдикай мах хъана...

**Таржума авурди: Ш. ШАГЬБАЛАЕВ  
(Къатл ама)**

## Женнетда багъ къазанмишна

Бухаридилай ва Муслималай, Аллагъдин регъимдик хурай чеб, атанвай гъадисда лагъанвайвал, са сеферда Мутъаммад Пайгъамбар, Аллагъдин патай салам ва хийир-дуя хурай ада, вичин асъабрихъ галаз мискинда апукънавайла, са етим гада атана Пайгъамбардив, Аллагъдин патай салам ва хийир-дуя хурай ада, агатна ва лагъана:

- Я Расуллагъ, Аллагъдин патай салам ва хийир-дуя хурай ада, зи тереф хуъ!

- Вуч хъанва? - хабар къуна Пайгъамбарди, Аллагъдин патай салам ва хийир-дуя хурай ада.

- Захъ диде-бубадилай амай багъ ава ва зи къунши девлетгу кас я. За чи сергъялдад жугъун эцигун къетла ва за жуван фикирда авай къвалах башламишайла, жугъун къуншидин хурмадин тарцел туши хъана. А чавуз зун къуншидин патав фена ва ада лагъана: "Я зи стха! Вахъ хурмадин тарар гзаф ава, за жуван жугъун давамар хъийидайвал, ваз минет хъуй, вуна заз а хурмадин тар багъиш". Ада заз "Ваъ, Аллагъдал кын хъуй, гудач" лагъана жаваб гана. А вахтунда за ада лагъана: "Эгер вуна багъишавч", за жугъун давамар хъийидайвал, заз маса це, за вавай къячуда". Ада лагъана: "Ваъ, гудач за маса". Адалай къулухъ за ада лагъана: "Бес за жугъун гъик давамар хъийида?". Ада жаваб гана: "Ам ви везифа я, зиди туш". Ада гъак лагъана, зун алайвал туна хъфена. Я Аллагъдин Расул, Аллагъдин патай салам ва хийир-дуя хурай ада! Гила за вуч ийид? Зи тереф хуъ!

Жегъил гададин гафариз яб гайи Пайгъамбарди, Аллагъдин патай салам ва хийир-дуя хурай ада, ада лагъана:

- Алад, жуван къуншидиз зи патав эвер це, заз адахъ галаз раҳаз къанзана.

Ада ам галаз хтана ва Пайгъамбарди, Аллагъдин патай салам ва хийир-дуя хурай ада, ада лагъана:

- И жегъилди жугъундин ва хурмадин тарцин жигъетдай лугъузвой гафар дүзбур яни?

- Эхъ, - лугъузвой теклифай къуншиди.

- Вуна а тар ада це! - лагъана Пайгъамбард, Аллагъдин патай салам ва хийир-дуя хурай ада.

- Ваъ, гудач! - лагъана ада.

- Гъа и гафар Пайгъамбарди,

Аллагъдин патай салам ва хийир-дуя хурай ада, пуд сеферда тиккарна, амма мискин къуншиди вичин гафунал къевиална. Адалай къулухъ Пайгъамбарди, Аллагъдин патай салам ва хийир-дуя хурай ада, ада лагъана:

- Вуна а тар жуван стхадиз це, Женнетда ваз вишн ийсан къене аттуди чукурайтани къутъя тежедай хъен авай хурмадин тар жеда.

- Гудач, - лагъана инсанди.

Адалай къулухъ Пайгъамбар, Аллагъдин патай салам ва хийир-дуя хурай ада, кисна акъвазна. Къваларав адан гзаф асъабар гвай. Абурукай Абу Дагъдагъ асъабди, Аллагъ рази хурай вичелай, къарагъна Пайгъамбардиз, Аллагъдин патай салам ва хийир-дуя хурай ада, лагъана:

- Я Аллагъдин Расул, Аллагъдин патай салам ва хийир-дуя хурай ада! Эгер за адавай а тар къачуна ва а жегъил гададиз ам багъишайла, вуна хиве къур Женнетдин тар заз жедани?

- Эхъ, жеда, - лагъана Пайгъамбард, Аллагъдин патай салам ва хийир-дуя хурай ада.

И вахтунда Абу Дагъдагъ, Аллагъ рази хурай вичелай, вичичхъ галаз раҳаз ва фагъумиз хъана: "Хурмадин са тар и дуныяда аваз хъун, амма вун пака, я туштла мульку юкъуз къин мумкин я. А мискиндин за тар гъик къячуда, за ада вуч теклифда", - давамарзва вичин фикир асъабди. Ахпа адан рикъел Мединада вичичхъ авай виридалайни хъсан багъ хъзвиза. Адан багъ къаҷуз къанибур гзаф авай, адан багъдай хурмаяр къачун савдагаррин эрзиман тир, абур гъакъван дадду ва ширинбур тир.

И вахтунда Абу Дагъдагъ, Аллагъ рази хурай вичелай, а къуншидиз лагъана:

- Эй, вун, ваз зи багъ чидани?

- Мединада ви багъ течидайди авани?! Гъелбетда, чизва, - лагъана ада.

- Эгер за ваз къвал, яд авай къуй ва рутуд виши хурмадин тар авай а багъ гайтла, вуна заз ви хурмадин тар гудани? - лагъана Абу Дагъдагъ, Аллагъ рази хурай вичелай.

И вахтунда мискинди вичичхъ гъакъзазва, асъабди лагъай гафар гъакъкъат тирни, тахъайтла зарофат, ада чизвачир ва ада элкъвена Пайгъамбардиз, Аллагъдин патай салам ва хийир-дуя хурай ада, килигъзва, ахпа - асъабриз. И чавуз асъабри ада лугъузва: "Эй, рази хъухъ, чун шагъидар я". Адалай къулухъ ам рази жезва ва инал абуру алишвиришдин къвалахар къилиз акъудзава. Ахпа Абу Дагъдагъ, Аллагъ рази хурай вичелай, жегъил гададихъ элкъвена лугъузва:

- За ваз а тар багъишава, вавай жуван жугъун давамар хъувуртла жезва.

Адалай къулухъ Абу Дагъдагъ, Аллагъ рази хурай вичелай, Пайгъамбардихъ, Аллагъдин патай салам ва хийир-дуя хурай ада, элкъвена лугъузва:

- Я Аллагъдин Расул, Аллагъдин патай салам ва хийир-дуя хурай ада! Исятда зун патал Женнетда хурмадин тар авани?

Пайгъамбард, Аллагъдин патай салам ва хийир-дуя хурай ада, жаваб гузва:

- Пагъ, Женнетда Абу Дагъдагъ патал, гъикъван залан хилер аватла аку?!

Маса риваятда лугъузвойвал, Пайгъамбард, Аллагъдин патай салам ва хийир-дуя хурай ада, лагъаналда: "Я Абу Дагъдагъ, Женнетда авай ви чка хурмадин тарарив ацланва".

Адалай къулухъ ам вичин къвализ хъфизза. Багъдив агакъайта, ада адан къутъвазвай вичин аялрин ва папан ванер къвевзай. Адавай къенез гъахъна ва экъечл лугъуз жевачир. А вахтунда Абу Дагъдагъ, Аллагъ рази хурай вичелай, ракъарив акъвазна вичин папаз эвнера:

- Я Дагъдагъан диде!

- Гъай, гъай, къвевзва зун! - лагъана адан папа ва багъдай вичин гъульун вилик экъечина.

- Экъечл, экъечл куын а багъдай, а багъва ана авай къван вири чибур язмач, за ам маса ганва, - лагъана Абу Дагъдагъ, Аллагъ рази хурай вичелай.

И чавуз папа хабар къазва:

- Низ маса ганва?

Ада лагъана:

- За чи багъ Женнетда авай хурмадин тарарихъ Халикъдиз маса ганва.

И гафар ван хъайи адан папаз хвепи хъана ва лагъана:

- Аллагъ Акбар! Гъикъван мен-фятлу алвер я, гъикъван хийирлу савдадин икърар я! Вуна гъикъван хийирлу алвернатла аку!

Адалай къулухъ абуру чин аяларни багъдай акъуд хъийизва ва и вахтунда са аялдин жибинда багъдай къватланвай хурмаяр аваз хъана. Абу Дагъдагъ, Аллагъ



рази хурай вичелай, абур аялдин жибиндай акъуд хувуна ва "и хурмаярни чибур язмач" лагъана, абур багъдиз хиветгына. Гъа икъл абуру чин багъ ва къвал, меслят хайтал, мискин мунайфийдив вахкана.

### НАСИГЬАТ

Абу Дагъдагъан, Аллагъ рази хурай вичелай, иман гъикъван мягъкем тирдигъа, аку садра! Ада къвал ва къй авий вичин иер багъ, Пайгъамбардихъ, Аллагъдин патай салам ва хийир-дуъа хурай рази, инанмиш хъана, Женнетда

авай тарцихъ дегишарна. Асгъабрин иман гъакъван мягъкемди тир. Адалай гъеъри, гъульту авур кардал адан пабни рази из амукъна. Къенин юкъуз диндал мягъкем ахътин папар ава жал?! Гъелбетда, эгер вичин гъультуз Женнетда хурмадин тар хайтга, ам вични ана жедайди ва вичин чкани гъультухъ галаз Женнет тирди, аз чизвай. Инсан патал Женнетда хурмадин тар хъун,amma вич Жегъеннемда хъун, жедай кар туш. Гъавилляй, Абу Дагъдагъан, Аллагъ рази хурай вичелай, иман гъакъван къеви тирвилляй,

Аллагъди аз Женнетда багъ ацай хурмадин тараар гъазурнава.

И кысада чун патал Чехи чепне ава. Чакай тъар садгъа ихътин имандихъ чалишшиш хъун лазим я. Чахъ ахътин иман хъун патал, Аллагъдин патай Пайгъамбарди, Аллагъдин патай салам ва хийир-дуъа хурай аз, чав агакъарнавайдахъ, чун риклин сидкыидай инанмиш хъун чарасуз я.

А. ЭМИРСУЛТАНОВ

## Отчет об исполнении бюджета С/П “с. Ново-Каракюре” на 1 октября 2020 г.

### ДОХОДЫ

Наименование показателя	Код строки	Код дохода по бюджетной классификации	Утвержденные бюджетные назначения	Исполнено			
				через финансовые органы	через банковские счета	некассовые операции	итого
1	2	3	4	5	6	7	8
Доходы бюджета — всего	10	X	455689	4690174,95	-	-	5145764,95

### РАСХОДЫ

Наименование показателя	Код строки	Код расхода по бюджетной классификации	Утвержденные бюджетные назначения	Лимиты бюджетных обязательств	Исполнено		
					через финансовые органы	через банковские счета	некассовые операции
1	2	3	4	5	6	7	8
Расходы бюджета — всего	200	?	4829862,44	4829862,44	4829862,44	-	-
Ост. с начала года							
Заработная плата	1	104 88300	20000 121 211	1408175	1408175	1408175	-
Начисления на выплаты по оплате труда	1	104 88300	20000 129 213	382140	382140	382140	-
Прочие выплаты							-
Услуги связи	1	104 88300	20000 244 221	7189,49	7189,49	7189,49	-
Транспортные услуги	1	104 88300	20000 244 222				-
Коммунальные услуги	1	104 88300	20000 244 223	12922	12922	12922	-
Арендная плата за пользование имуществом	1	104 88300	20000 244 224				-
Работы, услуги по содержанию имущества	1	104 88300	20000 244 225	1742556	1742556	1742556	-
Прочие работы, услуги	1	104 88300	20000 244 226				-
Прочие расходы	1	104 88300	20000 244 291	10500	10500	10500	-
Прочие услуги, штрафы	1 0104	88300	20000 853 293				-
Увеличение стоимости материальных запасов	1	104 88300	20000 244 340	160000	160000	160000	-
Заработная плата ВУС	1	203 99800	51180 121 211	48000	48000	48000	-
Начисления на выплаты по оплате труда ВУС	1	801 99800	51180 129 213	12750	12750	12750	-
Услуги по содержанию имущества	1	409 15300	20760 244 225				-
Прочие услуги, штрафы, пени	1	401 88300	20000 244 292				-
Начисления на выплаты по оплате труда ЖКХ	1	401 88300	20000				-
Заработная плата СДК	1	1403 261	60020 540 211	229359	229359	229359	-
	1	1403 261	60020 540 213				-
Заработная плата ЖКХ	1	505 99800	5000 121 211	632333	632333	632333	-
Начисления на выплаты по оплате труда ЖКХ	1	505 99800	5000 119 213	183939	183939	183939	-
Заработная плата	1	709 1	0 121 211				-
Начисления на выплаты по оплате труда	1	709 1	0 121 213				-
Пособия по социальной помощи населению	1	1004 505	2 313 262				-
Пособия по социальной помощи населению	1	1004 511	0 313 262				-
Увеличение стоимости основных средств	1	1004 523	0 412 310				→

### ИСТОЧНИКИ ФИНАНСИРОВАНИЯ ДЕФИЦИТА БЮДЖЕТА

Наименование показателя	Код строки	Код источника финансирования по бюджетной классификации	Утвержденные бюджетные назначения	Исполнено			
Изменение остатков по внутренним расчетам (стр. 821 + стр. 822)	820	X	X	X	-	-	-
в том числе:							
увеличение остатков по внутренним расчетам	821	X	X	X	-	-	-
уменьшение остатков по внутренним расчетам	822	X	X	X	-	-	-

А.М. ПАРВАНАЕВ, руководитель

Г.З. ЗЕРБАЛИЕВА, главный бухгалтер

## Информационное сообщение о проведении открытого аукциона по продаже муниципального имущества в электронной форме

### Общие сведения об аукционе

Собственник имущества:  
Управление образования МР  
"Докузпаринский район"

Продавец: Администрация  
МР "Докузпаринский район" (далее  
- Продавец). Адрес  
местонахождения: Республика  
Дагестан, Докузпаринский район,  
село Усухчай, ул. Х.Д. Заманова д 2,  
сайт (сайт продавца): <http://www.dokuzpara.ru>, официальный  
сайт Российской Федерации в  
информационно-телекоммуникационной сети "Интернет"  
[www.torgi.gov.ru](http://www.torgi.gov.ru), электронный  
адрес: [upr-econ@mail.ru](mailto:upr-econ@mail.ru).

Контактное лицо: Меджидов  
Музамедин Зайдинович, тел.: (8722)  
55-11-27.

Осмотр объекта аукциона  
проводится в срок подачи заявок в  
рабочие дни с 09:00 до 12:00 и с 14:00  
до 17:00 по предварительному  
согласованию с представителями  
Продавца.

**Оператор электронной**  
площадки: Акционерное общество  
"Единая электронная площадка"  
(далее - Оператор)

**Форма аукциона и подачи**  
предложений о цене имущества:  
аукцион, открытый по форме подачи

предложений о цене имущества в  
электронной форме (далее - аукцион  
в электронной форме).

**Срок подачи заявок оператору**  
электронной площадки <https://178fz.roseltorg.ru> всети интернет:  
начало - 20 ноября 2020 годав  
00 час. 00 мин.,  
окончание - 15 декабря 2020  
годав 17 час. 00 мин.

Признание претендентов  
участниками аукциона  
осуществляется в течение пяти  
рабочих дней со дня окончания  
срока приема заявок с 16.12.2020 г.  
по 22.12.2020 (включительно)

**Дата и время проведения**  
аукциона: 23 декабря 2020 годав 09  
час. 00 мин. (время местное).

2. Сведения по предмету  
аукциона

**Объект аукциона:** авто-  
транспортное средство: иденти-  
фикационный номер (VIN) -  
JMYLRV93W8J709530, марка,  
модель ТС - MitsubishiPajeroIV,  
наименование (тип ТС) - легковое  
прочее, категория ТС - В, год  
изготовления ТС - 2007, модель, №  
двигателя 6G72TH3782, шасси(рама)  
№ - не установлен, кузов (кабина,  
прицеп) № JMYLRV93W8J709530,

цвет кузова (кабины, прицепа) -  
белый, государственный  
регистрационный знак - К930ОУ05,  
общий пробег - 290 800 тыс. км.

**Начальная цена продажи**  
объекта аукциона: 212000 (двести  
двенадцать тысяч) руб. 00 коп.вт.ч.  
НДС.

**Шаг аукциона** (неизменная  
величина повышения заявленной  
цены продажи): 6360 руб. (3%  
от начальной цены продажи объекта  
аукциона).

**Размер задатка:** 42400 рублей.  
Задаток установлен в размере  
20% начальной цены продажи  
объекта аукциона и его внесение  
является обязательным условием  
для участия в аукционе.

Приватизация объекта  
аукциона проводится на основании  
Постановления администрации МР  
"Докузпарин-ский район" № 154 от  
19 ноября 2020 г.

С документами аукциона вы  
можете ознакомиться на офици-  
альном сайте администрации  
района по адресу <http://dokuzpara.ru> в разделе "Информа-  
ционные сообщения".

# Гъакъи вахтунда це - буржар кІватІмир

## ВРЕМЯ ПЛАТИТЬ ЗА ГАЗ



Зулун мекъивилер, идахъ галаз сад хъиз кІвалериз чимивал гудай, яни ишлемишзаяв газдин къадар артух жезвай вахт алукъинава. Амма, гъайф хъи, и ва я маса себебар аваз, агъалирий газдин гъакъи вахтунда тагузвай дуьшушар тИмил туш.

И кардиз талуқъ яз "Газпром межрегионгаз Махачкала" ООО-ди нубатдин сеферда кІевелай тагъки-марзая: газдин гъакъи вахтунда гун - им газ ишлемишзаяв гъар са касдин хиве авай мажбурнама я.

РикЕл хүхъ, ишлемишнавай газдин гъакъи гъар ваңран 10 лагъай югъ алукъыдали гун чарасуз я.

Ишлемишнавай газдин буржар кІватІ хъянвай агъалири абур тади гъалда вахкун лазим я. Гъикл лагъайтІа, гъикъван яргъалди абур туртІа, гъакъван четин гъалда гъатда гъам муштери, гъамни газдалди таьминарзаяв кархана.

Газдин гъакъи комиссия (винел хкvezvay пул) ва учирар авачиз, гъакъни тЛугъвалик акатунин хаталувал екеди тир и девирда инсанрихъ галаз артухан алакъяр тахъана, яргъал мензилда аваз гудай къайда ишлемиштайтІа жеда. И кар, [www.mkala-mrg.ru](http://www.mkala-mrg.ru) сайтда "Абонентдин хусуси кабинет" ачуна, я тахъайтІа телефонда ва я планшетда жедай "Мой

ГАЗ" приложение ачуна, тамамариз жеда.

"Абонентдин хусуси кабинетда" касди идалай вилик гайи пулдин тақыярин гъакъиндай делилар ава, гъакъни ана кІватІ хъянвай буржунин къадар къалурнава. Нагъд пул гала chir къайдада, яни телефондин, смартфондин ва я компьютердин күмекдалди газдин гъакъи гудай мумкинвал "Сбербанк-онлайн" сервисди "ЖКХ-дин къулпутърин гъакъи гун" чина ачуҳзава.

Ишлемишнавай газдин гъакъи, виликдай хъиз, адетдин жуъреда ва түгъвалдин хаталувиликай хульниз талуқъ истемишнурал амал авуналди гузвай агъалияр патал газдалди таьминарзаяв идарадин абонентвилин пунктара ва "Республикадин гъакъи гунин ва гъахъ-гъисабрин централа" ("Республиканский расчетно-платежный центр") кассайри кІвалахзаява.

Гъульметлу абоненттар! Буржар кІватІ жедайвал ийимир ва гъакъидиз талуқъ гъахъ-гъисабар вахтунда ая!

Газдихъ галаз алакъалу гъахъ-гъисабрз талуқъ суалриз жавабар гун патал "Газпром межрегионгаз Махачкала" ООО-дин "кузвай линиядн" нумра кардик ква - 8 800 200 98 04. Компаниядин сайт - [www.mkala-mrg.ru](http://www.mkala-mrg.ru).

**Скорая помощь ЦРБ Докузпаринского района**  
**тел.: 8 928 059 84 90, 8 989 868 03 00**

## «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**  
Докъузпара райондин  
администрация,  
Дагъстан Республика

**Учредитель:**  
Администрация Докузпаринского  
района, Республика Дагестан

**Кышин редактор:**  
А.Э.ЭМИРСУЛТАНОВ

**Жавабдар секретарь:**  
В.С.АГЪАМУРАДОВ

**Хусуси корреспондент:**  
Ш.О.ШАГЬБАЛАЕВ

**Корректор:**  
Ш.О.ШАГЬБАЛАЕВ

**Верстка ауруди:**  
К.В.АГЪАМИРЗОЕВ

**Газетдин индексар:**  
Зур ийсан кыммет - 278 м.  
Йисан кыммет - 556 м.

**Чандиз вахкай вахт:** 14:00  
**Чапзавай вахт -** 17:00

**Тираж 456**

**Редакциядиини макъалайтин авторрин фикирарад сад таҳъун мумкин я Макъалайтин делилтин дуъзвилин патахъай жаваб авторричи гуда. Макъалайти рецензия гузвач ва абур элъсена вахкүзвач. Мадни, чинин макъалайта дегизвилер тупал, кылгар дегиниарунал рази түнчир мухбиррирай чина абур редакциядиз ракъур тавун тапалбазава.**

**Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан**

**Регистрационный  
номер ПИ №ТУ5 - 00256  
от 14 июня 2013 г.**

**Редакциядин,  
издательстводин ва  
типографиядин адрес:**

**368750, Докъузпара  
район, Усугъчай хуър,  
тел. +7 (8722) 55-14-61  
e-mail:  
[gолос-erenlar@mail.ru](mailto:gолос-erenlar@mail.ru)  
Чи сайт: [www.erenlar.ru](http://www.erenlar.ru)**